

AAQQIISUT

Siunnersuut uunga: Peqqinnissaqarfiup aqunneqarnera, aqqissuussaanera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaat nr. xx, xxxx 2010-meersoq

(Naalakkersuisut)

Akissuteqaat

(Peqqissutsimut Naalakkersuisoq, Agathe Fontain)

Pingajussaaneerinnineq

Innuttaasut allatut katsorsaasarnermut tunngatillugu inatsisitigut illersugaanerannut Peqqissutsimut Ataatsimiititaliap soqutiginninnera ilassutitullu isumaliutissiissummut atatillugu sulerujussuarnerat Naalakkersuisunit qujassutigineqarpoq.

Inunntut namminersortutut allatut katsorsaaneramik neqerooruteqartunik atuisartunut inatsisitigut illersuineq pillugu paasisitsiniaanerup aallartinneqarnissaanut Peqqissutsimut Ataatsimiititaliap kaammattuinaera Naalakkersuisut akuersaarussuppaat. Paasisutissat Atuisoq, Atuisartut Kalaallit Nunaanni Siunnersuisooqatigiivi aamma Atuisartunut pisisartunullu maalaaruteqartarfittut ataatsimiititaliaq qanimut suleqatigalugit suliarineqarnissaat naatsorsuutigineqarpoq.

Napparsimasut allatut katsorsaasartunik atuisut napparsimasutulli pisortat peqqinnissaqarfiutaanni katsorsartinniartutulli inatsisitigut illersorneqarnissaasa qularnaarniarnerat Naalakkersuisunit ajornakusoortinneqarpoq, makku aallaavigalugit:

Pisortat peqqinnissaqarfiutaanni napparsimasunik katsorsaanerami inatsisitigullu illersuinerami tamatumunnga atuuttumi tunngavigineqarput:

- inuit peqqissaaneramik suliallit ilinniagassanik aqqissuussinerit pisortanit akuerisaasut aallaavigalugit ilinniarsimasuussasut, suliaallu napparsimasunik katsorsaaneranut tunngatillugu nassuiarneqarsimassasut allaaserineqarlutillu,
- inuit peqqissaaneramik suliallit pisortat peqqinnissaqarfiutaanni nalunaarsorsimassasut,
- katsorsaariaatsit napparsimasunik katsorsaaneranut atatillugu atorneqartut ilisimatusarnikkut uppernarsarluugaassasut pisortaniillu akuerisaallutik,
- malittarisassanik atuuttunik unioqqutitsineq qulaani allassimasut aallaavigalugit suliarineqarsinnaassasut – naammagittaalliortarnermi atuuttumi,
- kukkusumik suliarinninnerit taarsiiffigitinnissamik piumasaqarnermik pisortanit akilerneqartussamik kinguneqarsinnaassasut.

Pissutsit taakku allatut katsorsaasartunut kikkunnt tamanut neqerooruteqarnikkut katsorsaanssaminnik neqerooruteqartartunut atuutinngillat. Allatut katsorsaasartut namminersorlutik inuussutissarsiortutut pilersitsisarput, taamatullu Akileraartarnermut Aqutsisoqarfimmit nalunaarsorneqartarlutik. Tamatumunnga atatillugu ilinniagassanik aaqqissuussinissamik pisortanit akuerisanik katsorsaariaatsinullu allatut katsorsaasartut atugaannut uppersaasiinissamik piumasaqaateqartoqarneq ajorpoq. Innuttaasoq allatut katsorsaasartumi katsorsarneqarsimasoq katsorsaanermik naammaginninngikkuni Atuisumut naammagittaalliorsinnaavoq, naammagittaalliuullu inatsit namminersorluni inuussutissarsiuteqarnermut atuuttoq aallaavigalugu suliarineqassaaq. Kukkusumik katsorsarneqarsimanermut taarsiisoqarnissaanik piumasaqarneq eqqartuussivitsigut suliasanngortinneqarsinnaassaaq.

Allatut katsorsaasartut inuussutissarsiummik ingerlatallit assigiinngitsorpassuupput sullississutinik soorlu healerinermik, clairvoyancemik, tagiartuineramik, kiropraktikimik, magnetterapimik, kraniosakral terapimik, zoneterapimik, akupunkturimik il.il. neqerooruteqartartut.

Inuit allatut katsorsaanermik atuisut inatsisitigut illersugaanissaasa qularnaarneqarnissaanik Peqqissutsimut Ataatsimiititaliap kissaataa Naalakkersuisut akuersaarpaat, atuisartunillu illersuineq pillugu inatsimmi atuuttumi tamatuma ilanngunneqarnissaa sulissutigissallugu.

Tamanna tunngavigalugu inatsisissatut siunnersuutip akuerineqarnissaa Naalakkersuisut inassutigaaat.